

CONVENIO DE COLABORACIÓN ENTRE A FUNDACIÓN CIDADE DA CULTURA DE GALICIA E A FEDERACIÓN GALEGA DE MUNICIPIOS E PROVINCIAS PARA FACILITAR AS ENTIDADES LOCAIS QUE SE ADHIRAN, A CESIÓN GRATUÍTA TEMPORAL DE DIVERSOS ESPAZOS DA CIDADE DA CULTURA DE GALICIA.

MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta Fundación Cidade da Cultura de Galicia ten previsto formalizar coa **FEDERACIÓN GALEGA DE MUNICIPIOS E PROVINCIAS** o instrumento convencional arriba referido por un período de vixencia que abrangue terá unha duración de catro anos dende a sinatura do mesmo; non obstante o anterior, antes da finalización do prazo previsto, os asinantes do convenio poderán acordar expresamente, e de forma unánime, a súa prórroga por un período de ata catro anos adicionais ou a súa extinción. .

Que o instrumento convencional ten por obxecto:

Regular a colaboración entre estas institucións, a fin de facilitar as Entidades Locais asociadas á Federación Galega de Municipios e Provincias, a cesión gratuíta, con carácter temporal e limitado no tempo, de diversos espazos da Cidade da Cultura de Galicia previsto no anexo III, segundo o calendario de actividades da propia Cidade da Cultura de Galicia, para a realización de actos promocionais, roldas de prensa, actividades culturais, turísticas ou de posta en valor do patrimonio dos concellos galegos.



O convenio constitúe o marco xurídico dentro do cal as Entidades Locais poderán asinar a súa adhesión mediante o modelo que figura como Anexo I ao convenio.

Igualmente, é vontade das partes, que este convenio marco se amplíe á propia Federación Galega de Municipios e Provincias, a cal poderá solicitar a cesión gratuíta, con carácter temporal e limitado no tempo, de diversos espazos da Cidade da Cultura de Galicia, para a realización dos seus propios actos promocionais, sempre que o calendario de actividades da propia Cidade da Cultura de Galicia o permita.

Que o instrumento convencional que se pretende asinar se fundamenta no seguinte:

A Fundación Cidade da Cultura de Galicia foi constituída en 1999, como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución, e foi declarada de interese galego e inscribiuse no rexistro de fundacións desta consellería co número 73. Forma parte do sector público da Comunidade Autónoma de Galicia e na actualidade está adscrita á Consellería de Cultura, Educación e Ordenación Universitaria que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación.

A Fundación Cidade da Cultura de Galicia ostenta a titularidade da “Cidade da Cultura de Galicia” (CdC), un innovador e vangardista complexo construtivo, de singular valor arquitectónico e cultural, deseñado por Peter Eisenman, situado no monte Gaiás en Santiago de Compostela. A CdC inclúe diversas edificacións, infraestruturas, viais, áreas de lecer e zonas verdes, representando en conxunto un proxecto estratéxico de gran importancia dentro da vida cultural da Comunidade Autónoma de Galicia.



Segundo o artigo 6 dos estatutos da Fundación Cidade da Cultura de Galicia constitúe o seu obxecto social “a creación, explotación e promoción de áreas ou centros de conservación, produción, exhibición e consumo cultural, comunicativo e tecnolóxico, que constitúa un espazo multifuncional, multidisciplinar e aglutinador, propicio á interacción cultural”.

Para a consecución dos fins mencionados no punto anterior, e consonte o previsto no artigo 7 dos seus Estatutos, a Fundación Cidade da Cultura de Galicia pode realizar (en outras) as seguintes actividades:

- a) As necesarias para converterse nun actor crave na difusión cultural, que sirva de punto de encontro entre os cidadáns e a cultura.
- b) As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.
- c) As tendentes a propiciar o achegamento da Cidade da Cultura de Galicia dunha maneira física á cidadanía, servindo como espazo de desenvolvemento de actividades non estritamente culturais, con especial énfase no lecer, o contacto coa natureza e o deporte.
- d) Cantas dinamicen o sistema cultural galego, promovendo a difusión e conservación da nosa cultura, e a formación dunha comunidade artística vibrante, atendendo tanto a autores de referencia como a novos talentos ou á cultura de base.
- e) As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interregional e a colaboración pública e privada.
- g) As que impulsen o Emprendemento empresarial no ámbito das industrias culturais e creativas, con especial énfase en proxectos que favorezan a innovación, tanto tecnolóxica como non tecnolóxica, e a súa transferencia aos sectores máis maduros do



tecido produtivo, servindo como plataforma de desenvolvemento e promoción de marca país Galicia.

Así pois, en virtude do mandamento estatutario, a Fundación Cidade da Cultura de Galicia leva a cabo todo tipo de accións de fomento e promoción da cultura do noso país en toda a súa extensión e en todas as súas disciplinas, incluído a promoción económica e o impulso do emprendemento cultural, empresarial e tecnolóxico.

Igualmente, a Fundación Cidade da Cultura de Galicia leva a cabo todo tipo de actuacións na procura da interrelación con axentes públicos e privados de distintos ámbitos, así como todas aquelas axeitadas para posicionar ao Gaiás como referente internacional de reflexión no ámbito cultural, e contribuír á difusión da cultura e o patrimonio galego e dos seus respectivos concellos.

Pola súa banda, a Federación Galega de Municipios e Provincias é unha asociación constituída polos Entes Locais que voluntariamente o decidan, cuxos fins estatutarios son, entre outros, os seguintes:

- a) O fomento e a defensa da autonomía das Entidades Locais.
- b) Promover, representar e defende-los intereses das Entidades Locais ante outras Administracións Públicas.
- c) A promoción e o desenrolo da cultura e lingua galega no ámbito local.
- e) Fomenta-la participación cidadá na vida local.

Para a execución dos seus fins estatutarios, a Federación Galega de Municipios e Provincias pode promover todas aquelas accións e actividades tendentes a colaboración con terceiros cuxos beneficios redunden nas entidades locais asociadas, e por extensión, na cidadanía galega.



Neste sentido, a Fundación Cidade da Cultura de Galicia e a Federación Galega de Municipios e Provincias estiman interesante a formalización dun convenio de colaboración mutua que permita ás entidades locais asociadas á Federación Galega de Municipios e Provincias, a utilización dos diversos espazos da Cidade da Cultura de Galicia en actos promocionais de actividades culturais, turísticas ou de posta en valor do seu patrimonio, para reforzar a súa difusión e aunar esforzos na obtención dun maior alcance e cobertura publicitaria, cando así o demanden as entidades locais asociadas á Federación Galega de Municipios e Provincias. Este convenio marco estenderase á propia Federación Galega de Municipios e Provincias, a cal poderá solicitar a cesión gratuíta, con carácter temporal e limitado no tempo, de diversos espazos da Cidade da Cultura de Galicia, para a realización dos seus propios actos promocionais.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

Ana Isabel Vázquez Reboredo

Directora Xerente

Fundación Cidade da Cultura de Galicia

(asinado dixitalmente)

